



REPUBLIKA Y'U RWANDA  
MINISITERI Y'IBIDUKIKIJE  
IKIGO CY'IGHUGU GISHINZWE UBUMENYI  
BW'IKIRERE



B P: 898, Kigali, Rwanda, Website: [www.meteorwanda.gov.rw](http://www.meteorwanda.gov.rw)

Toll free :6080

**AKANYAMAKURU K'IMIHINDAGURIKIRE Y'IKIRERE No 11, KAGENEWE ABAHINZI-BOROZI, IGICE CYA KABIRI MATA (11-20) 2020**


**Cyasohotse ku itariki ya 22 Mata, 2020**

**Iriburiro**

Mu minsi icumi y'igice cya kabiri, Mata 2020 kuva tariki ya 11 kugeza tariki ya 20, ahensi mu gihugu habonetse imvura nyinshi ugereranyije n'isanzwe igwa muri ayo matariki mu gihe cy'imyaka myinshi. Imvura nyinshi yapimwe ku bupimiro bwa Gicumbi mu Karere ka Gicumbi hapimwe milimetero 230.1. Ahapimwe imvura nke ni ku bupimiro bwa Rusizi mu Karere ka Rusizi ingana na milimetero 40.6; Intara y'Amajyaruguru niy'Uburasirazuba niho habonetse imvura nyinshi kurusha izindi ntara.

Ibibimo by'ubushyuhe ni nk'ibisanzwe ntibyahindutse cyane ugereranyije n'iminsi ishize; Igipimo cy'ubushyuhe bwo hejuru cyari hagati ya dogere Selisiyusi( $^{\circ}\text{C}$ ) 20.5 muri Gicumbi na  $29.6^{\circ}\text{C}$  mu Bugarama naho igipimo cy'ubushyuhe bwo hasi cyari hagati ya  $12.7^{\circ}\text{C}$  ku bupimiro bwa Busogo na  $19.7^{\circ}\text{C}$  ku bupimiro bwa Bugarama.

**Imvura yaguye muri (10-20) 2020 ugereranyije n'isanzwe igwa muri iyo minsi**




**Ishusho 1:** Imvura yaguye ugereranyije n'isanzwe igwa muri iyo minsi.

## 1.0. Imvura yaguye

Aha turerekana ingano y'invura yaguye, umubare w'iminsi invura yaguye n'ubuhedhere bw'ubutaka mu minsi icumi y'igice cya kabiri cya Mata 2020.

### 1.1. Ingano y'invura yaguye

Ikarita ya mbere hasi irerekana ingano y'invura yaguye mu minsi icumi y'igice cya kabiri cya Mata 2020. Igiteranyo cy'invura mu minsi icumi y'igice cya kabiri cyari hagati ya milimetro 230.1 na milimetro 40.6. Invura nyinshi yaguye ku bupimiro bwa Gicumbi mu karere ka Gicumbi mu Ntara y'Amajyaruguru (230.1mm). Ahaguye invura nke ni ku bupimiro bwa Rusizi mu karere ka Rusizi mu ntara y'Uburengerezuba hapimwe milimetro 40.6




Ikarita ya 1: Ingano y'Invura muri mm

## 1.2 Invura isanzwe igwa mu minsi icumi y'igice cya kabiri cya Mata

Ufatiye ku bipimo by'igihe kirere, ikarita ya kabiri iratwereka invura isanzwe igwa mu minsi icumi y'igice cya kabiri cya Mata.

Ubusanzwe iki igice cya Mata kigusha invura iri hagati ya milimetro 33.9 na 78;


bigaragara ko ugereranyije invura yaguye n'isanzwe igwa mu gihe kirekire, invura yaguye yari nyinshi mu Ntara y'Amajyaruguru, mu Mujyi wa Kigali, ndetse no muntara y'Iburasirazuba mu karere ka Ngoma, Gatsibo, Kayonza. Mu burasirazuba bw'Intara y'Amajyepfo, mu karere ka Nyamagabe ndetsen'Akarere ka Rusizi niho haguye invura nke naho ahandi hasigaye hose yari iri mu rugero rw'isanzwe igwa.



Ikarita ya 2: Invura isanzwe igwa mu gice cya kabiri cy'ukwezi kwa Mata


## 1.3.Umubare w' iminsi invura yaguyemo

Ikarita ya 3 iragaragaza umubare w'iminsi invura yaguyemo, mu gice cya kabiri mu kwezi kwa Mata 2020. Umunsi tubara ko wagushije invura ni umunsi ugira byibuze milimetro 0.85 cyangwa nyinshi. Muri rusange invura yabonetse hagati y'iminsi ine n'iminsi icyenda (4-9) nubwo ahenshi mu gihugu invura yaguye yari hagati y'iminsi 6 n'iminsi 8. Iminsi mike yabaye 4 ku bupimiro bwa Nyamagabe, iminsi myinshi yabaye 9 ku bupimiro bwa Gicumbi.



**Ikarita ya 3: Umubare w'iminsi imvura yaguyemo**

#### 1.4. Ubuhehere bw'Ubutaka



**Ikarita ya 4: Ubuhehere bw'ubutaka**


Ikarita ya 4 iragaragaza ko muri rusange ahensi mu gihugu ubuhehere bw'ubutaka muri iyi minsi icumi y'igice cya kabiri cya Mata 2020 bwiyongereye cyane cyane bitewe n'ibihe by'imvura byaranze iyi minsi. Hateganyijwe ko ubuhehere bw'ubutaka buzakomeza kwiyongera mu gice cya gatatu cya Mata bitewe n'uko imvura izakomeza kugwa mu gice cya gatatu cya Mata.

## 2.0. Ibibimo by'ubushyuhe

Aha turareba muri rusange uko ibipimo by'ubushyuhe bwo hejuru no hasi hirya no hino mu gihugu byari bimeze.

### 2.1 Igipimo cy'ubushyuhe bwo hejuru


Ikarita ya 5 irerekana ubushyuhe bwo hejuru. Ugendeye ku bipimo by'ubushyuhe dusanzwe tubona, ahensi mu gihugu ubushyuhe bwari mu kigereranyo gisanzwe; mu Majyaruguru y'Uburasirazuba, mu Mujyi wa Kigali, ndetse n'igice kinini cy'Uburengerezuba cyane cyane mu Majyepfo yaho niho hashyushye kurusha ahandi mu gihugu naho mu Ntara y'Amajyaruguru akaba ariho hakonje ugereranyije n'ahandi. Ibibimo by'ubushyuhe byari hagati ya dogere Selisiyusi 20.5 na 26.1 ahensi mu gihugu; uretse ku bupimiro bwa Bugarama hashyushye cyane kuko hapimwe dogere selisiyusi 29.6



**Ikarita ya 5: Ubushyuhe bwo hejuru**

## 2.2. Igipimo cy'ubushyuhe bwo hasi

Ikarita ya gatandatu irerekana uko ubushyuhe bwo hasi bwanganaga. Ubushyuhe bwo hasi bwari hagati ya Dogere Selisiyusi 12.8 (Busogo) na Dogere Selisiyusi 19.7 (Bugarama). Mu Majyaruguru y' u Rwanda niho hakonje cyane kurusha ibindi bice by'igihugu.




Ikarita ya 6: Ubushyuhe bwo hasi

## 3.0 Iteganyagihe rigenewe abahinzi mu minsi icumi y'igice cya gatatu cya Mata (tariki 21-30) 2020

### 3.1 Ikirere giteganyijwe

Ugereranyije igice cya kabiri cya Mata n'igice cya gatatu cya Mata 2020, hateganyijwe ko imvura iziyongera mu gice cya gatatu cya Mata 2020. Imvura iteganyijwe izaba iri hagati ya milimetro 90 na 210. Imvura nyinshi iri hagati ya milimetro 180 na 210 iteganyijwe mu Majyaruguru y'Intara y'Iburengerezuba, mumujyi wa Kigali, mu ntara y'Amajyepfo nko mu turere twa Nyamagabe na Nyaruguru ndetse nigice cy'Intara y'Iburasirazuba nko mu turere twa Rwanagan, Ngoma na Bugesera. Naho imvura nke iri hagati ya milimetro 90 na 120 iteganyijwe mu ntara y'Iburasirazuba

muturere twa Nyagatare, Gatsibo na Kayonza. Ahandi hasigaye hateganyijwe imvura iringaniye izaba iri hagatai ya milimetro 120 na 180. Muri rusange mu gihugu hose imvura iteganyijwe izaba iruta isanzwe igwa muri iki gice cya gatatu cya Mata. Iyi mvura kandi izumvikanamo inkuba ziremereye mu ntara y'Uburengerezuba, intara y'Amajyaruguru, no mumajyepfo y'intara y'Iburasirazuba ndetse no mu mujyi wa Kigali. Umuyaga mwinshi nawo ukaziganza mu ntara y'Iburazirazuba ndetse no mu majyepfo y'uburengerezuba bw'igihugu.



Ikarita ya 7: Iteganyagihe ry'imvura mugice cya gatatu cya Mata

### 3.2 Ibirebana n'imirimo y'ubuhinzi

Dushingiye ku bipimo bigaragaza kwiyongera kw'imvura mu gice cya gatatu cya Mata 2020 (tariki 21-30), abahinzi barashishikarizwa gukomeza gukora imirimo y'ubuhinzi ndetse basukura imiyoboro y'amazi, aho babona ikwiye bakayica kugira ngo amazi abone inzira atagira imyaka yangiza, bagisha inama abashinzwe ubuhinzi babegereye. Barashishikarizwa kandi kujya basura urubuga rwa Meteo Rwanda [www.meteorwanda.gov.rw](http://www.meteorwanda.gov.rw), cg guhamagara umurongo utishyurwa 6080.